

中阿含經卷第十九

鳳九

東晉罽賓三藏瞿曇僧伽提婆譯

長壽王品梵天請佛經第七

第二小土城誦

我聞如是一時佛遊舍衛國在勝林給孤獨園爾時有一梵天住梵天上生如是邪見此處有常此處恒有此處長存此處是要此處

乙

不終法此處出要此出要更無出要過其上有勝有妙有最者於是世尊以他心智知彼梵天心之所念即入如其像定以如其像定猶若力士屈申臂頃於舍衛國勝林給孤獨園忽沒不現往梵天上時彼梵天見世尊來即請世尊善來大仙人此處有常此處恒有此處長存此處是要此處不終法此處出要此出要更無出要過其上有勝有妙有最者於是世尊告曰梵天汝無常稱說常不恒稱說恒不存稱說存不要稱說要終法稱說不終法非出要稱說要此出要更無出要過其上有勝有妙有最者梵天汝有是無明梵

天汝有是無明時魔波旬在彼衆中於是魔波旬語世尊曰比丘莫違此梵天所說莫逆此梵天所說者是爲比丘猶如有人吉祥事來而排却之比丘所說亦復如是是故比丘我語汝莫違此梵天所說莫逆此梵天所說比丘者汝違此梵天所說逆此梵天所說者是爲比丘猶如有人從山上墮雖以手足攬摸於空而無所得比丘所說亦復如是是故比丘我語汝莫違此梵天所說莫逆此梵天所說比丘若汝違此梵天所說逆此梵天所說者是爲比丘猶如有人從樹上墮雖以手足攬摸枝葉而無所得比丘所說亦復如是是故比丘我語汝莫違此梵天所說莫逆此梵天所說所以者何此梵天梵福祐能化最尊天所說能作能造是父已有當有一切衆生皆從是生此所知盡知所見盡見大仙人若有沙門梵志憎惡他毀訾他者彼身壞命終必生餘

下賤妓樂神中如是水火風神天生主憎惡
梵天毀訾梵天者彼身壞命終必生餘下賤
妓樂神中大仙人若有沙門梵志愛樂他稱
嘆他者彼身壞命終必生最上尊梵天中如
是水火風神天生主愛樂梵天稱嘆梵天者
彼身壞命終必生最上尊梵天中大仙人汝

夙乃

二

不見此梵天大眷屬坐如我輩耶彼魔波旬
非是梵天亦非梵天眷屬然自稱說我是梵
天爾時世尊便作是念此魔波旬非是梵天
亦非梵天眷屬然自稱說我是梵天若說有
魔波旬者此即是魔波旬世尊知已告曰魔
波旬汝非梵天亦非梵天眷屬然汝自稱說

我是梵天若說有魔波旬者汝即是魔波旬
於是魔波旬而作是念世尊知我善逝見我
知已愁憂即於彼處忽沒不現時彼梵天至
再三請世尊善來大仙人此處有常此處恒
有此處長存此處是要此處不終決此處出
要此出要更無出要過其上有勝有妙有最

者世尊亦至再三告曰梵天汝無常稱說常
不恒稱說恒不存稱說存不要稱說要終法
稱說不終法非出要稱說出要此出要更無
出要過其上有勝有妙有最者梵天汝有是
無明梵天汝有是無明於是梵天白世尊曰
大仙人昔有沙門梵志壽命極長存住極久

大仙人汝壽至短不如彼沙門梵志一燕坐
頃所以者何彼所知盡知所見盡見若實有
出要者更無餘出要過其上有勝有妙有最
者若無有實出要者更無餘出要過其上有
勝有妙有最者大仙人汝於出要不出要想
不出要出要想如是汝不得出要便成大癡

夙九

三

所以者何以無境界故大仙人若有沙門梵
志愛樂他稱嘆他者彼為我自在為隨我所
欲為隨我所使如是水火風神天生主愛樂
梵天稱嘆梵天者彼為我自在為隨我所欲
為隨我所使大仙人若汝愛樂他稱嘆他者
汝亦為我自在為隨我所欲為隨我所使如

是水火風神天生主愛樂梵天稱嘆梵天者汝亦爲我自在爲隨我所欲爲隨我所使於是世尊告曰梵天如是梵天所說真諦若有沙門梵志愛樂他稱嘆他者彼爲汝自在爲隨汝所欲爲隨汝所使如是水火風神天生主愛樂梵天稱嘆梵天者彼爲汝自在爲隨汝所欲爲隨汝所使梵天若我愛樂他稱嘆他者我亦爲汝自在爲隨汝所欲爲隨汝所使如是水火風神天生主愛樂梵天稱嘆梵天者我亦爲汝自在爲隨汝所欲爲隨汝所使梵天若此八事我隨其事愛樂稱嘆者彼亦有如是梵天我知汝所從來處所往至處隨所生隨所終隨所生若有梵天有大如意足有大威德有大福祐有大威神於是梵天白世尊曰大仙人汝云何知我所知見我所見云何識悉我如日自在明照諸方是爲千世界於千世界中汝得自在耶知彼彼處無有盡夜大仙人曾更歷彼數經歷彼耶世尊

告曰梵天如日自在明照諸方是爲千世界於千世界中我得自在亦知彼彼處無有盡夜梵天我曾經歷彼我數經歷彼梵天有三種天光天淨光天遍淨光天梵天若彼三種天有知有見者我亦有彼知見梵天若彼三種天無知無見者我亦自有知見梵天若彼

三種天及眷屬有知有見者我亦有彼知見梵天若彼三種天及眷屬無知無見者我亦自有知見梵天若汝有知有見者我亦有此知見梵天若汝及眷屬有知有見者我亦有此知見梵天若汝及眷屬無知無見者我亦自有知見梵天汝不與我一切等不與我盡等但我於汝最勝最上於是梵天白世尊曰大仙人何由得彼三種天有知有見者汝亦有彼知見若彼三種天及眷屬有知有見者汝亦有彼知見若彼三種天及眷屬無知無見者汝亦

風九

四

自有知見若我有知有見者汝亦有此知見
若我無知無見者汝亦自有知見若我及眷屬
有知有見者汝亦有此知見若我及眷屬
無知無見者汝亦自有知見大仙人非為愛
言耶問已不知增益愚癡所以者何以識無
量境界故無量知無量見無量種別我各各

我便知地如是水火風神天生主梵天無煩
無熱淨則知淨淨非是我淨非我所我非淨
所我不計淨是我已我便知淨於是梵天白
壯尊曰大仙人此衆生愛有樂有習有汝已
拔有根本所以者何謂如來無所著等正覺
故便說頌曰

知別是地知地水火風神天生主是梵天知
梵天於是世尊告曰梵天若有沙門梵志於
地有地想地是我地是我所我是地所彼計
地是我已便不知地如是於水火風神天生

主梵天無煩無熱淨有淨想淨是我淨是我
所我是淨所彼計淨是我已便不知淨梵天

若有沙門梵志地則知地地非是我地非我
所我非地所彼不計地是我已彼便知地如
是水火風神天生主梵天無煩無熱淨則知
淨淨非是我淨非我所我非淨所彼不計淨
是我已彼便知淨梵天我於地則知地地非
是我地非我所我非地所我不計地是我馬

於有見恐怖 無有見不懼 是故莫樂有
有何可不斷

大仙人我今欲自隱形世尊告曰梵天汝若
欲自隱形者便隨所欲於是梵天即隨所處
自隱其形世尊即知梵天汝在彼汝在此汝
在中於是梵天盡現如意欲自隱形而不能
隱還住梵天中於是世尊告曰梵天我今亦
欲自隱其形梵天白世尊曰大仙人若欲自
隱形者便隨所欲於是世尊而作是念我今
寧可現如意像放極妙光明照一切
梵天而自隱住使諸梵天及梵天眷屬但聞
我聲而不見形於是世尊即現如意像如意

足放極妙光明照一切梵天便自隱住使諸
梵天及梵天眷屬但聞其聲而不見其形於
是梵天及梵天眷屬各作是念沙門瞿曇甚
奇甚特有大如意足有大威德有大福祐有
大威神所以者何謂放極妙光明照一切梵
天而自隱住使我等及眷屬但聞彼聲而不

見形於是世尊復作是念我已化此梵天及
梵天眷屬我今寧可攝如意足世尊便攝如
意足還住梵天中於是魔王亦至再三在彼
衆中爾時魔王白世尊曰大仙人善見善知
善達然莫訓誨教呵弟子亦莫爲弟子說法
莫著弟子莫爲著弟子故身壞命終生餘下
賤妓樂神中行無爲於現世受安樂所以者
何大仙人此唐自煩勞大仙人昔有沙門梵
志訓誨弟子教呵弟子亦爲弟子說法樂著
弟子彼以著弟子故身壞命終生餘下
賤妓樂神中大仙人是故我語汝莫得訓誨教呵
弟子亦莫爲弟子說法莫著弟子莫爲著弟

鳳九

六

子故身壞命終生餘下賤妓樂神中行無爲
於現世受安樂所以者何大仙人汝唐自煩
勞於是世尊告曰魔波旬汝不爲我求義故
說非爲饒益故非爲樂故非爲安隱故莫得
訓誨教呵弟子莫爲弟子說法莫著弟子莫
爲著弟子故身壞命終生餘下賤妓樂神中
行無爲於現世受安樂所以者何大仙人汝
唐自煩勞魔波旬汝作是念此沙門瞿曇爲
弟子說法彼弟子聞法已出我境界魔波旬
是故汝今語我莫得訓誨教呵弟子亦莫爲
弟子說法莫著弟子莫爲著弟子故身壞命
終生餘下賤妓樂神中行無爲於現世受安
樂所以者何大仙人汝唐自煩勞魔波旬若
有沙門梵志訓誨弟子教呵弟子爲弟子說
法樂著弟子爲著弟子故身壞命終生餘下
賤妓樂神中彼沙門梵志彼非沙門稱說沙
門非梵志稱說梵志非阿羅訶稱說阿羅訶
非等正覺稱說等正覺魔波旬我實沙門稱

說沙門實梵志稱說梵志實阿羅訶稱說阿羅訶實等正覺稱說等正覺魔波旬若我為弟子說法若不說者汝且自去我今自知應為弟子說法不應為弟子說法是為梵天請魔波旬違逆世尊隨順說是故此經名梵天請佛佛說如是梵天及梵天眷屬聞佛所說

風九

七

歡喜奉行

梵天請佛經第七竟

中阿含長壽王品有勝天經第八

第二小土城誦

我聞如是一時佛遊舍衛國在勝林給孤獨園於是仙餘財主告一使人汝往詣佛為我

稽首禮世尊足問訊世尊聖體康強安快無病起居輕便氣力如常耶作如是語仙餘財主稽首佛足問訊世尊聖體康強安快無病起居輕便氣力如常耶汝既為我問訊佛已往詣尊者阿那律陀所為我稽首禮彼足已問訊尊者聖體康強安快無病起居輕便氣

力如常不作如是語仙餘財主稽首尊者阿那律陀足問訊尊者聖體康強安快無病起居輕便氣力如常不仙餘財主請尊者阿那律陀四人俱共明日食若受請者復作是語尊者阿那律陀仙餘財主多事多為為王衆事料理臣佐唯願尊者阿那律陀為慈愍故與四人俱明日早來至仙餘財主家於是使人受仙餘財主教已往詣佛所稽首禮足却住一面白曰世尊仙餘財主稽首佛足問訊世尊聖體康強安快無病起居輕便氣力如常耶余時世尊告使人曰令仙餘財主安隱快樂令天及人阿修羅捷塔和羅刹及餘種種身安隱快樂於是使人聞佛所說善受善持稽首佛足遶三匝而去往詣尊者阿那律陀所稽首禮足却坐一面白曰尊者阿那律陀仙餘財主稽首尊者阿那律陀足問訊尊者聖體康強安快無病起居輕便氣力如常不仙

餘財主請尊者阿那律陀四人俱共明日食
是時尊者真迦栴延去尊者阿那律陀不遠
而燕坐也於是尊者阿那律陀告曰賢者迦
栴延我向所道明日我等爲乞食故入舍衛
國正謂此也今仙餘財主遣人請我等四人
供明日食尊者真迦栴延即時白曰願尊者

八
風九

阿那律陀爲彼人故嘿然受請我等明日出
此闇林爲乞食故入舍衛國尊者阿那律陀
爲彼人故嘿然而受於是使人知尊者阿那
律陀嘿然受已尋復白曰仙餘財主白尊者
阿那律陀仙餘財主多事多爲爲王衆事料
理臣佐願尊者阿那律陀爲慈愍故與四人

阿那律陀來見已叉手向尊者阿那律陀讚
曰善來尊者阿那律陀尊者阿那律陀久不
來此於是仙餘財主敬心扶抱尊者阿那律
陀將入家中爲敷好牀請使令坐尊者阿那
律陀即坐其牀仙餘財主稽首尊者阿那律
陀足却坐一面坐已白曰尊者阿那律陀欲

有所問唯願見聽尊者阿那律陀告曰財主
隨汝所問聞已當思仙餘財主便問尊者阿
那律陀或有沙門梵志來至我所語我財主
汝當修大心解脫尊者阿那律陀復有沙門
梵志來至我所語我財主汝當修無量心解
脫尊者阿那律陀大心解脫無量心解脫此

九
風九

俱明日早來至仙餘財主家尊者阿那律陀
告使人曰汝便還去我自知時於是使人即
從坐起稽首作禮遶三匝而去於是尊者阿
那律陀過夜平旦著衣持鉢四人共俱往詣
仙餘財主家爾時仙餘財主婦女圍遶住中
門下待尊者阿那律陀仙餘財主遙見尊者

解脫者若有沙門梵志在無事處或至樹下空安靜處依一樹意解大心解脫遍滿成就遊彼齊限是心解脫不過是若不依一樹者當依二三樹意解大心解脫遍滿成就遊彼齊限是心解脫不過是若不依二三樹者當依一林若不依一林當依二三林若不依二三林者當依一村若不依一村者當依二三村若不依二三村者當依一國若不依一國者當依二三國若不依二三國者當依此大地乃至大海意解大心解脫遍滿成就遊彼齊限是心解脫不過是謂大心解脫財主云何無量心解脫若有沙門梵志在無事處或至樹下空安靜處心與慈俱遍滿一方成就遊如是二三四方四維上下普周一切心與慈俱無結無怨無恚無諍極廣甚大無量善修遍滿一切世間成就遊如是悲喜心與捨俱無結無怨無恚無諍極廣甚大無量善修遍滿一切世間成就遊是謂無量心解脫

財主大心解脫無量心解脫此二解脫爲義異文異爲一義文異耶仙餘財主白尊者阿那律陀曰如我從尊聞則解其義此二解脫義既異文亦異尊者阿那律陀告曰財主有三種天光天淨光天遍淨光天於中光天者彼生在一處不作是念此我所有彼我所有但光天隨其所往即樂彼中財主猶如蠅在肉段不作是念此我所有彼我所有但蠅隨肉段去即樂彼中如是彼光天不作是念此我所有彼我所有但光天隨其所往即樂彼中有時光天集在一處雖身有異而光不異財主猶如有人然無量燈著一室中彼燈雖異而光不異如是彼光天集在一處雖身有異而光不異有時光天各自散去彼各散去時其身既異光明亦異財主猶如有人從一室中出衆多燈分著諸室彼燈即異光明亦異如是彼光天各自散去彼各散去時其身既異光明亦異於是尊者真迦旃延白曰尊

凡九

十

者阿那律陀彼光天生在一處可知有勝如妙不妙耶尊者阿那律陀答曰賢者迦栴延可說彼光天生在一處知有勝如妙與不妙尊者真迦栴延復問曰尊者阿那律陀彼光天生在一處何因何緣知有勝如妙與不妙耶尊者阿那律陀答曰賢者迦栴延若有沙門梵志在無事處或至樹下空安靜處依一樹意解作光天想成就遊心作光明想極盛彼齊限是心解脫不過是若不依一樹者或依二三樹意解作光天想成就遊心作光明想極盛彼齊限是心解脫不過是賢者迦栴延此二心解脫何解脫為上為勝為妙為最

耶尊者真迦栴延答曰尊者阿那律陀若有沙門梵志不依一樹者或依二三樹意解作光天想成就遊心作光明想極盛彼齊限是心解脫不過是尊者阿那律陀二解脫中此解脫為上為勝為妙為最尊者阿那律陀復問曰賢者迦栴延若不依二三樹者或依一

風九

士

林若不依一林者或依二三林若不依二三林者或依一村若不依一村者或依二三村若不依二三村者或依一國若不依一國者或依二三國若不依二三國者或依此大地乃至大海意解作光天想成就遊心作光明想極盛彼齊限是心解脫不過是賢者迦栴延此二解脫何解脫為上為勝為妙為最尊者真迦栴延答曰尊者阿那律陀若有沙門梵志不依二三樹者或依一林若不依一林者或依二三林若不依二三者或依一村若不依一村者或依二三村若不依二三村者或依一國若不依一國者或依二三國若不依二三國者或依此大地乃至大海意解作光天想成就遊心作光明想極盛彼齊限是心解脫為上為勝為妙為最尊者阿那律陀二解脫中此解脫為上為勝為妙為最尊者阿那律陀告曰迦栴延因是緣是彼光天生在一處知有勝如妙與不妙所以者何因人心勝如故修

便有精鹿因修有精鹿故得人則有勝如賢者迦旃延卅尊亦如是說人有勝如尊者真迦旃延復問曰尊者阿那律陀彼清光天生在一處可知有勝如妙與不妙耶尊者阿那律陀答曰賢者迦旃延可說彼清光天生在一處知有勝如妙與不妙尊者真迦旃延復

問曰尊者阿那律陀彼清光天生在一處何因何緣知有勝如妙與不妙耶尊者阿那律陀答曰尊者迦旃延若有沙門梵志在無事處或至樹下空安靜處意解清光天遍滿成就遊彼此定不修不習不廣不極成就彼於後時身壞命終生清光天中彼生已不得止息不得極寂靜亦不得盡壽訖賢者迦旃延猶青蓮華紅赤白蓮水生水長出水上住水所不汙賢者迦旃延如是復有沙門梵志在無事處或至樹下空安靜處意解清光天遍滿成就遊彼此定數修數習數廣極成就彼身壞命終生清光天中彼生已得極止息得極寂靜亦得壽盡訖賢者迦旃延因是緣是彼清光天生在一處知有勝如妙與不妙所以者何因人心勝如故修便有精鹿因修有精鹿故得人則有勝如賢者迦旃延卅尊亦如是說人有勝如尊者真迦旃延復問曰尊者阿那律陀彼遍淨光天生在一處可知有勝如妙與不妙耶尊者阿那

命終生清光天中彼生天已不得極止息不得極寂靜亦不得盡壽訖賢者迦旃延復有沙門梵志意解清光天遍滿成就遊彼此定數修數習數廣極成就彼身壞命終生清光天中彼生已得極止息得極寂靜亦得壽盡訖賢者迦旃延猶青蓮華紅赤白蓮水生水長出水上住水所不汙賢者迦旃延如是復有沙門梵志在無事處或至樹下空安靜處意解清光天遍滿成就遊彼此定數修數習數廣極成就彼身壞命終生清光天中彼生已得極止息得極寂靜亦得壽盡訖賢者迦旃延因是緣是彼清光天生在一處知有勝如妙與不妙所以者何因人心勝如故修便有精鹿因修有精鹿故得人則有勝如賢者迦旃延卅尊亦如是說人有勝如尊者真迦旃延復問曰尊者阿那律陀彼遍淨光天生在一處可知有勝如妙與不妙耶尊者阿那律陀答曰賢者迦旃延可說彼遍淨光天生

在一處知有勝如妙與不妙尊者真迦旃延復問曰尊者阿那律陀彼遍淨光天生在一處何因何緣知有勝如妙與不妙耶尊者阿那律陀答曰賢者迦旃延若有沙門梵志在無事處或至樹下空安靜處意解遍淨光天遍滿成就遊彼不極止睡眠不苦息掉悔彼

鳳九

十一

於後時身壞命終生遍淨光天中彼生已光
不極淨賢者迦栴延譬如今燈因緣油炷若
油有滓炷復不淨因是燈光生不明淨賢者
迦栴延如是若有沙門梵志在無事處或至
樹下空安靜處意解遍淨光天遍滿成就遊
彼不極止睡眠不善息掉悔彼身壞命終生
遍淨光天中彼生已光不極淨賢者迦栴延
復有沙門梵志在無事處或至樹下空安靜
處意解遍淨光天遍滿成就遊彼極止睡眠
善息掉悔彼身壞命終生遍淨光天中彼生
已光極明淨賢者迦栴延譬如今燈因緣油
炷若油無滓炷復極淨因是燈光生極明淨

賢者迦栴延如是復有沙門梵志在無事處
或至樹下空安靜處意解遍淨光天遍滿成
就遊彼極止睡眼善息掉悔彼身壞命終生
遍淨光天中彼生已光極明淨賢者迦栴延
因是緣是彼遍淨光天生在一處知有勝如
妙與不妙所以者何因人心勝如故修便有
精鹿因修有精龜故得人則有勝如賢者迦
栴延世尊亦如是說人有勝如於是尊者真
迦栴延歎仙餘財主曰善哉善哉財主汝爲
我等多所饒益所以者何初問尊者阿那律
陀有勝天我等未曾從尊者阿那律陀聞如
是義是謂彼天有彼天如是彼大於是尊者
阿那律陀告曰賢者迦旃延多有彼天謂此
日月如有大如意足有大威德有大福祐
有大威神以光不及光彼與我集共相慰勞
有所論說有所答對然我不如是說是謂彼
天有彼天如是彼天爾時仙餘財主知彼尊
者所說已訖即從座起自行潔水以極淨美

種種豐饒食噉含消手自斟酌今得飽滿食訖舉器行潔水已取一小牀別坐聽法仙餘財主坐已尊者阿那律陀而爲說法勸發渴仰成就歡喜無量方便爲彼說法勸發渴仰如是仙餘財主及諸比丘聞尊者阿那律陀

夙九

十四

所說歡喜奉行

有勝天經第八竟

中阿含長壽王品迦繻那經第九

第二小土城誦

我聞如是一時佛遊舍衛國在勝林給孤獨園爾時尊者阿那律陀亦在舍衛國住婆羅

邏巖山中於是尊者阿那律陀過夜平旦著衣持鉢入舍衛乞食尊者阿難亦復平旦著衣持鉢入舍衛乞食尊者阿那律陀見尊者阿難亦行乞食見已語曰賢者阿難當知我三衣鹿素壞盡賢者今可借諸比丘爲我作衣尊者阿難爲尊者阿那律陀嘿然許借於

是尊者阿難舍衛乞食訖食訖中後收舉衣鉢澡洗手足以尼師壇著於肩上手執戶鑰遍詣房房見諸比丘便語之曰諸尊今往詣娑羅邏巖山中爲尊者阿那律陀作衣於是諸比丘聞尊者阿難語皆往詣娑羅邏巖山中爲尊者阿那律陀作衣於是世尊見尊者

阿難手執戶鑰遍詣房房見已問曰阿難汝以何事手執戶鑰遍詣房房尊者阿難白曰世尊我今倩諸比丘爲尊者阿那律陀作衣世尊告曰阿難汝何以故不倩如來爲阿那律陀比丘作衣於是尊者阿難即叉手向佛白世尊曰唯願世尊往詣娑羅邏巖山中爲

夙九

十五

尊者阿那律陀作衣世尊爲尊者阿難嘿然而許於是世尊將尊者阿難往詣娑羅邏巖山中比丘衆前敷座而坐爾時娑羅邏巖山中有八百比丘及世尊共集坐爲尊者阿那律陀作衣彼時尊者大目捷連亦在衆中於是世尊告曰目捷連我能爲阿那律陀舒張

衣裁割截連綴而縫合之爾時尊者大目捷連即從座起偏袒著衣叉手向佛白世尊曰唯願世尊爲賢者阿那律陀舒張衣裁諸比丘當共割截連綴縫合於是世尊即爲尊者阿那律陀舒張衣裁諸比丘便共割截連綴縫合即彼一日爲尊者阿那律陀成三衣訖

爾時世尊知尊者阿那律陀三衣已成則便告曰阿那律陀汝爲諸比丘說迦繻那法我今腰痛欲小自息尊者阿那律陀白曰唯然世尊於是世尊四疊優多羅僧以敷牀上袈僧伽梨作枕右脇而卧足足相累作光明想立正念正智常作起想彼時尊者阿那律陀告諸比丘諸賢我本未出家學道時厭生老病死啼哭懊惱悲泣憂感欲斷此大苦聚諸賢我厭已而作是觀居家至狹壁勞之處出家學道發露曠大我今在家爲鎖所鎖不得盡形壽修諸梵行我寧可捨少財物及多財物捨少親族及多親族剃除鬚髮著袈裟衣

至信捨家無家學道諸賢我於後時捨少財物及多財物捨少親族及多親族剃除鬚髮著袈裟衣至信捨家無家學道諸賢我出家學道捨族姓已受比丘學修行禁戒守護從解脫又復善攝威儀禮節見纖介罪常懷畏怖受持學戒諸賢我離殺斷殺棄捨刀杖有

風九

十六

慚有愧有慈悲心饒益一切乃至蠶蟲我於殺生淨除其心諸賢我離不與取斷不與取與而後取樂於與取常好布施歡喜無憍不望其報我於不與取淨除其心諸賢我離非梵行斷非梵行勤修梵行精勤妙行清淨無穢離欲斷淫我於非梵行淨除其心諸賢我離妄言斷妄言真諦言樂真諦住真諦不移動一切可信不欺世間我於妄言淨除其心諸賢我離兩舌斷兩舌行不兩舌不破壞他不聞此語彼欲破壞此不聞彼語此欲破壞彼離者欲合合者歡喜不作羣黨不樂羣黨不稱說群黨我於兩舌淨除其心諸賢我離

鹿言斷龐言若有所言辭氣龐儼惡聲逆耳衆所不喜衆所不愛使他苦惱令不得定斷如是言若有所說清和柔潤順耳入心可喜可愛使他安樂言聲具了不使人畏令他得定說如是言我於龐言淨除其心諸賢我離綺語斷綺語時說真說法說義說止息說樂

止息說事順時得宜善教善訶我於綺語淨除其心諸賢我離治生斷治生棄捨稱量及斗斛不受財貨不縛束人不望折斗量不以小利侵欺於人我於治生淨除其心諸賢我離受寡婦童女斷受寡婦童女我於受寡婦童女淨除其心諸賢我離受奴婢斷受奴婢

我於受奴婢淨除其心諸賢我離受象馬牛羊斷受象馬牛羊我於受象馬牛羊淨除其心諸賢我離受雞猪斷受雞猪我於受雞猪淨除其心諸賢我離受田業店肆斷受田業店肆我於受田業店肆淨除其心諸賢我離受生稻麥豆斷受生稻麥豆我於受生稻麥

豆淨除其心諸賢我離酒斷酒我於飲酒淨除其心諸賢我離高廣大牀斷高廣大牀我於高廣大牀淨除其心諸賢我離華鬘瓔珞塗香脂粉斷華鬘瓔珞塗香脂粉我於華鬘瓔珞塗香脂粉淨除其心諸賢我離歌舞倡妓及往觀聽斷歌舞倡妓及往觀聽我於歌舞倡妓及往觀聽淨除其心諸賢我離受生色像寶斷受生色像寶我於受生色像寶淨除其心諸賢我離過中食斷過中食一食不夜食學時食我於過中食淨除其心諸賢我已成就此聖戒聚當復學極知足衣取覆形食取充軀隨所遊至與衣鉢俱行無願戀猶如鷹鳥與兩翅俱飛翔空中諸賢我亦如是隨所遊至與衣鉢俱行無願戀諸賢我已成就此聖戒聚及極知足當復學守護諸根常念閉塞念欲明達守護念心而得成就恒起正知若眼見色然不受相亦不味色謂忿諱故守護眼根心中不生貪伺憂慼惡不善法

趣向彼故守護眼根如是耳鼻舌身若意知法然不受相不味法謂忿譁故守護意根心中不生貪伺憂感惡不善法趣向彼故守護意根諸賢我已成就此聖戒聚及極知足守護諸根當復學正知出入善觀分別屈申低仰儀容庠序善著僧伽黎及諸衣鉢行住坐

卧眠覺語嘿皆正知之諸賢我已成就此聖戒聚及極知足守護諸根正知出入當復學獨住遠離在無事處或至樹下空安靜處山巖石室露地礪藉或至林中或在家間諸賢我已在無事處或至樹下空安靜處敷尼師壇結跏趺坐正身正願反念不向斷除貪伺

心無有諍見他財物諸生活具不起貪伺欲令我得我於貪伺淨除其心如是瞋恚睡眠掉悔斷疑度惑於諸善法無有猶豫我於疑惑淨除其心諸賢我已斷此五蓋心穢慧羸離欲離惡不善之法至得第四禪成就遊諸賢我已得如是定心清淨無穢無煩柔軟善

夙九

十八

住得不動心學如意足智通作證諸賢我得無量如意足謂分一爲衆合衆爲一一則住一有知有見不礙石壁猶如行空沒地如水覆水如地結跏趺坐上昇虛空猶如鳥翔今此日月有大如意足有大威德有大福祐有大威神以手捫摸身至梵天諸賢我已得如是定心清淨無穢無煩柔軟善住得不動心學天耳智通作證諸賢我以天耳聞人非人音聲近遠妙與不妙諸賢我以得如是定心清淨無穢無煩柔軟善住得不動心學他心智通作證諸賢我爲他衆生所念所思所爲所行以他心智知他心如真有欲心知有欲心如真無欲心知無欲心如真有恚無恚有癡無癡有穢無穢合散高下小大修不修定不定不解脫心知不解脫心如真解脫心知解脫心如真諸賢我以得如是定心清淨無穢無煩柔軟善住得不動心學憶宿命智通作證諸賢有行有相貌憶本無量昔所經歷

謂一生二生百生千生成劫敗劫無量成敗
劫彼衆生名某彼昔更歷我曾生彼如是姓
如是字如是生如是飲食如是受苦樂如是
長壽如是久住如是壽命訖此死生彼彼死
生此我生在此如是姓如是字如是生如是
飲食如是受苦樂如是長壽如是久住如是

風九

十九

壽命訖諸賢我已得如是定心清淨無穢無
煩柔軟善住得不動心學生生死智通作證諸
賢我已清淨天眼出過於人見此衆生死時
生時好色惡色妙與不妙往來善處及不善
處隨此衆生之所作業見其如真若此衆生
成就身惡行口意惡行誹謗聖人邪見成就
邪見業彼因緣此身壞命終必至惡處生地
獄中若此衆生成就身妙行口意妙行不誹
謗聖人正見成就正見業彼因緣此身壞命
終必昇善處上生天中諸賢我已得如是定
心清淨無穢無煩柔軟善住得不動心學漏
盡智通作證諸賢我知此苦如真知此苦集

知此苦滅知此苦滅道如真知此漏知此漏
集知此漏滅知此漏滅道如真彼如是知如
是見欲漏心解脫有漏無明漏心解脫解脫
已便知解脫生已盡梵行已立所作已辦不
更受有知如真諸賢若有比丘犯戒破戒缺
戒穿戒穢戒黑戒者欲依戒立戒以戒爲梯
昇無上慧堂正法閣者終無是處諸賢猶去
村不遠有樓觀堂閣其中安梯或施十階或
十二階若有人來求願欲得昇彼堂閣若不
登此梯第一階上欲登第二階者終無是處
若不登第二階欲登第三四至昇堂閣者終
無是處諸賢如是若有比丘犯戒破戒缺戒
穿戒穢戒黑戒者欲依戒立戒以戒爲梯昇
無上慧堂正法閣者終無是處諸賢若有比
丘不犯戒破戒缺戒穿戒穢戒黑戒者欲依
戒立戒以戒爲梯昇無上慧堂正法閣者必
有是處諸賢猶去村不遠有樓觀堂閣其中
安梯或施十階或十二階若有人來求願欲

得昇彼堂閣若登此梯第一登上欲登第二
陞者必有是處若登第二陞欲登第三四至
昇堂閣者必有是處諸賢如是若有比丘不
犯戒破戒鉢戒穿戒穢戒黑戒者欲依戒立
戒以戒爲梯昇無上慧堂正法閣者必有是
處諸賢我依戒立戒以戒爲梯昇無上慧堂

用九

正法之閣以小方便觀千世界諸賢猶有目
人住高樓上以小方便觀下露地見千土城
諸賢我亦如是依戒立戒以戒爲梯昇無上
慧堂正法之閣以小方便觀千世界諸賢若
王大象或有七寶或復減八以多羅葉覆之
如我覆藏於此六通諸賢若於我如意足智
通作證有疑惑者彼應問我我當答之諸賢
若於我天耳智通作證有疑惑者彼應問我
我當答之諸賢若於我他心智通作證有疑
惑者彼應問我我當答之諸賢若於我宿命
智通作證有疑惑者彼應問我我當答之諸
賢若於我生死智通作證有疑惑者彼應問

我我當答之諸賢若於我漏盡智通作證有
疑惑者彼應問我我當答之於是尊者阿難
白曰尊者阿那律陀今娑羅羅巖山集坐八
百比丘及衆尊在中爲尊者阿那律陀作衣
若於尊者阿那律陀如意足智通作證有疑
惑者彼當問之尊者阿那律陀答若於尊者
阿那律陀天耳智通作證有疑惑者彼當問
之尊者阿那律陀答若於尊者阿那律陀他
心智通作證有疑惑者彼當問之尊者阿那
律陀答若於尊者阿那律陀宿命智通作證
有疑惑者彼當問之尊者阿那律陀答若於
尊者阿那律陀生死智通作證有疑惑者彼
當問之尊者阿那律陀答若於尊者阿那律
陀漏盡智通作證有疑惑者彼當問之尊者
阿那律陀答但我等長夜以心識尊者阿那
律陀心如尊者阿那律陀有大如意足有大
威德有大福祐有大威神於是衆尊所患已
除而得安隱即時便起結跏趺坐衆尊坐已

用九

廿一

歎尊者阿那律陀曰善哉善哉阿那律陀極

善阿那律陀謂汝為諸比丘說迦繻那法阿
那律陀汝復為諸比丘說迦繻那法阿那律

陀汝為諸比丘數數說迦繻那法於是世尊

告諸比丘比丘汝等受迦繻那法誦習迦繻

那法善持迦繻那法所以者何迦繻那法與

法相應為梵行本致通致覺亦致涅槃若族

姓子剃除鬚髮著袈裟衣至信捨家無家學

道者應當至心受迦繻那法善受善持迦繻

那法所以者何我不見過去時諸比丘作如
是衣如阿那律陀比丘不見未來現在諸比
丘作如是衣如阿那律陀比丘所以者何謂

今娑羅遷巖山集坐八百比丘及世尊在中
為阿那律陀比丘作衣如是阿那律陀比丘
有大如意足有大威德有大福祐有大威神
佛說如是尊者阿那律陀及諸比丘聞佛所
說歡喜奉行

迦繻那衣經第九竟

中阿含經卷第十九

風九

排却_反_{上步}_皆_{推也}_{押摸}_{上音}_{門下}_{其胡}_也_翅_施_智_反

料理_膨_反_鄭_{澆水}_{上古}_堯_也_炷_注_滓_{側史}_反

諸_反_{借也}_{七淨}_{戶鑰}_{下音}_蔡_{一連}_{下知}_狹_{侯夾}_反

一_{蠶蟲}_反_{昆蟲}_音_羸_{力垂}_{庫序}_{上音}_衛_{下知}_狹_{侯夾}_反

羊_{反未}_{子智}_反_{聚也}_下_{登都}_反_{鄧土墩}_{下音}_雅_行_攘_積_{上音}_衛_反

子_{反未}_{聚也}_下_{登都}_反_{鄧土墩}_{下音}_雅_行_攘_積_{上音}_衛_反

中阿含經卷第二十

風十

東晉罽賓三藏瞿曇僧提婆譯

長壽王品念身經第十

第二小土城誦

我聞如是一時佛遊耆祇國中與大比丘衆
俱往詣阿和那捷尼住處爾時世尊過夜平
旦著衣持鉢入阿和那而行乞食訖中後

乙

友山刊

收舉衣鉢澡洗手足以尼師壇著於肩上往
詣一林入彼林中至一樹下敷尼師壇結跏
趺坐爾時衆多比丘於中食後集坐講堂共
論此事諸賢世尊甚奇甚特修習念身分別
廣布極知極觀極修習極護治善具善行在
一心中佛說念身有大果報得眼有目見第